



VNC tractum primùm Pœones seu Pannonos tenuere, inde Hunni habere gens Scythica. Mox Gothi ex insulis Germanici Oceani profecti, post Gothos Longobardi ex Scandinavia, etiam Germanici Oceani insula; nouissimè rursum Hunni, qui & Iuhri & Hungari postmodum dicti sunt, ex alia Hungaria Scythica egressi, non longè à Tanais flu. ortu. Anares ijdem nonnullis dicuntur, qui eam regionem obtinuerunt. hos Carolus Magnus octennali bello edomuit, prorsusque excidit, vna tantum horum natione, cui Vgrorum & Hungarorum nomen est (nam multos secum è Scythia eduxerant populos Hunni) illis extinctis sumpta, ac vallo quodam inclusa, sunt Hungari ferox hominum genus, & bello validum, equestri prælio magis quàm pedestri idoneum. Nulla gens Christiani nominis Turcarum arma magis exercuit: nulla ab his magis exercita est, adeo paribus animis, varioque euentu est semper vtrinque bellarum. Volaterranus ait, incultos ac procul à delicijs, hyemè vt reliquos Aquilonares in pyriterijs pellitos agere, potui ciboque plus iusto vacantes. Idque imprimis mirandum, cum merum aromataque præter cæteros mortales frequentent; iuuentutem tamen esse castam & absque scortis agere: hominum interficere leui de causa promptum habent, idque impune licet. Latius etiam huius gentis imperium patuit, quàm terræ nomen olim: vnde plures ei prouinciæ annumerari capere. Cum enim ab Leyta fluu. ad Sauum vsque quicquid est interiecti agri complexa sit, nunc inter Septentrionem & Ortum etiam vltra Danubium pedem intulit, magnamque sibi Iazygum; Metanastarum, quos vulgo Transylvanos ac Septem castrenses nuncupant, partem vendicat, ac in Ortum Scythiam versus non parum protenditur: ac Mysiam, Daciam, Flacciam seu V Valachiam & complures alias prouincias ad se arripuit, partimque ijs suum nomen communicauit. Buda caput est regni huius & Basilica. iuxta hanc & Strigonium quæ Araiscorum sedes fuere. Multa præterea in hoc Regno vrbes sunt nobilissimæ: Alba regalis ad Sarroitzam flu. Regum coronatione & sepultura celebris, vulgò Stulweissenburg. Stridon quoque in ea sita est, diui Hieronymi patria: hinc Quinque ecclesie (Fuffstirchen Germanicè) Sopronium, Laurinù & pleræque aliæ. Sclauonia trans Drauù flu. Hungariæ finitima est, & eius tanquam portio quædam. Vterior Hungaria terram complectitur quam Gepidæ & Daci tenuerunt, à Syleis, Morauia & Polonia montibus Carpathijs separatur. à Ruthenia, Transylvania & V Valachia transalpina separatur Maromarusijs montibus & syluis. in ea sitæ sunt vrbes Posamiensis, Tornensis, Tirnauiensis (Tirnauia aut patria est doctiss. viri Ioan Sambucij) Colociensis, Zegedinensis, Varadinensis, ac pleræque aliæ. Incolæ ferè oēs Scythica vtuntur lingua. Erat hæc terra, vt præci reru scriptores habent, nouem circulis circumdata, quorum singuli ita stipitibus quernis, siue fagineis, vel abiegnis extructi erant, vt de margine ad marginem viginti pedum spacium tenderetur in latum, totidem erigeretur in altum, ciuitas autem vniuersa aut purissimis lapidibus, aut tenacissima creta repleteretur. porro superficies vallorum eorundem integerrimis cespitibus tegetetur. inter quorum cõfina arbusculæ plantatæ erant, quæ abscessæ proiectæque vt plurimum herbas ac frondes proferebant. De primo autem circulo ad secundum viginti miliaria Teutonice protendebantur, & inde totidem ad tertium, & ita vsque ad nonum, quamuis alius alio semper contractior erat, intra hos aggeres vici villæque ita cõstitutæ, vt ab vna ad aliam vox hominis audiretur. ædificia validissimis muris præmunita; portæ non facis latæ, propter hanc causam, vt per eas latrocinandi gratia quaqua versum exire ingredi que facillè possent. tubarum clangore vnus circulus alteri cuiusque rei certa signa dabat. hos postmodum Carolus Magnus octennali bello domuit ac vastauit. Refert Volat. villis ac vicis regionem abundare stramineis, quas sæpe reficiant ad subitam inimicorum incurfionem, vel alia leui de cauda flagrantes. Hominum robore, pecudum & armentorum foecunditate, soli vbertate, metallorum copia, nulli orbis parti postponenda regio, omnibusque cœli benignitate & clementia, ac locia mœnitate, situsque pulchritudine, suo iure anteferenda. Ager rerum omnium copia ac fertilitate felix. Gemmas, aurum, argentum, colores, sal, fodien-

tibus

Sereni Principi D. Carolo  
Archiduci Maximilian II  
fratri dicatum.



HUNGARIAE LOCA PRÆ-  
CIPVA RECENS EMENDATA,  
ATQVE EDITA PER IOANNEM  
SAMBUCVM PANNONIUM IMP. M.  
HISTORICVM. ANNO DOMINI 1592.

tibus abundè largitur. Pabuli, frumenti, leguminum ac fructuum nusquam abundantia  
 maior. Vinum gignit generosissimū tractus Danubianus à Quinque Ecclesienfi agro Tau  
 runum seu Belgradum vsque. Flumina nonnulla optima auri ramenta ferunt. Amnes penè  
 omnes piscosissimi sunt. Olea autè rara aut nulla est. Fluij in hoc tractu nobiliores sunt.  
 Danubius, Sauus, Drauus, Sauaria, Corcora, Arabo, Tybificus, Marus siue Narifius, Cusus,  
 Alutius, Bacuntius, Valdamus, præter hos & alij sunt fluij ignobiliore. Lacus & Insulæ,  
 thermæ item ac minæræ complures in hoc sunt regno. Montes ac sylvæ præcipuæ sunt,  
 Carpathus qui propagatur per comitatus Turocensem, Arncensem, Liptouicensem, Gappulien  
 sem, Gevvineriemsem ac Sariensem. Matran mons vinetis prope Agriam constitus; Erdel amplissi  
 mus in conuallibus Transylvanicis late excurrit: Bakon in comitatu Vesperinensis; Verthes  
 Hungarice Baton quem à clypeis den Schildberg dicunt Germani; quod Henricum III. Impera  
 torem isthic castra metatum referunt contra Belam Hungariæ Regem, fameque pressum relictis  
 scutis castra deseruisse: hunc viriferi sequuntur montes ad Ecclesias. Inferior hæc Pannonia à Septen  
 trione terminatur Sarmatis seu Polonis, Moschisque, ab Occasu Austriam Bohemiamque fini  
 timas habet, ad Meridiem Sauo flu finitur & Illyrici parte quæ Adriatico pelago  
 obuerfa est, ad Orientem Solem, Seruiam quam Triballi, Moesij, Bulgari  
 & Ralciani tenuerunt, nunc à quibusdam Sagariam vocatam:  
 eadem etiam parte VValachiam habet.

